

北洋官報

錄目

宮門抄

上諭

交旨

奏議◎民政部奏司員補缺輪次章程摺△東督徐等奏
 禁煙公所實行禁種禁吸情形摺
 公牘◎督憲札一件△學司詳一件△吳橋縣稟一件
 文告四則△電報七則△新聞十一則
 彙編◎度支部財政學堂章程
 圖畫◎杭州湖景第二圖

本局第九十三期印法政學報已出
 本報今日加印照片一頁

宮門抄

閏二月初二日 吏部 翰林院 廂黃旗值日 豐陞阿續假五日 玉璋假滿請
 洵貝勒 倫貝子 澤公 鹿中堂 呂海寰等江春霖各遞封奏一件 安 召見軍機

諭

閏二月初二日內閣奉

上諭三載考績為國家激揚大典內外滿漢諸臣有能共濟時艱勞動最著者允宜特加甄敘其平庸衰病者亦難
 曲予優容茲當京察屆期吏部開單奏請朕詳加披閱軍機大臣總理外務部事務慶親王奕劻謹慎忠純勤勞
 懋著竭誠籌畫悉協機宜著交宗人府從優議敘大學士世續張之洞協辦大學士尚書鹿傳霖大學士那桐同
 心襄贊共矢慎勤均著交部議敘大學士孫家鼐老成厚重重衆望交孚新授東三省總督錫良力任艱鉅勞怨不
 辭直隸總督楊士驥宣勤畿輔籌畫精詳兩江總督端方規模宏遠應變有方山東巡撫袁樹勛籌辦新政任事
 實心均著交部議敘民政部右侍郎趙秉鈞聲名平常著原品休致餘著照舊供職欽此
 上諭民政部左侍郎著烏珍補授林紹年著調補民政部右侍郎欽此

交旨

閏二月初二日 軍機大臣欽奉

諭旨清明令節致祭 奉先殿後殿著派員勒載潤恭代行禮欽此

諭旨吏部奏恭遇恩詔應否給廕各官開單請旨一摺其曾任實缺應給廕者著准其給廕餘均毋庸給廕欽此

諭旨吏部奏遵議兩淮鹽運使趙瀛彥處分降一級調用公罪可否准其抵銷一摺著准其抵銷欽此

諭旨呂海寰等奏濟南黃河橋空加寬派員核實勘估一摺著該大臣等隨時體察情形妥慎辦理又奏改派直隸公司總理協理各員一片又奏援案請將回籍籌商路事各員免扣資俸一片均知道了欽此

奏議錄要

民政部奏酌擬司員補缺輪次章程摺

奏為酌擬臣部司員補缺輪次章程繕具清單恭摺具陳仰祈 聖鑒事竊查光緒三十二年十二月吏部奏定各酌司員補缺輪次摺內開設添設各衙門一律改為題缺由各堂官在各衙門分別奏補以一月按官階班次酌量才具擬定正陪以一缺揀資俸較深暨勞績保舉之員分班輪補均先咨部查核各等因維時臣部及內外城巡警各廳創設伊始需才孔亟所有新設各缺均係選擇奏補不限酌序班次擬請俟部廳各缺補齊時再酌照吏部新章辦理於光緒三十二年十二月二十三日本衙門具奏奉 旨依議欽此欽遵在案伏念臣部職司民政事務紛繁光緒三十二年十二月改訂官制遵設兩廳五司所設額缺均經遴選試驗得力人員先後奏請補用現查應司各缺除營繕司所設之六七品藝師各一缺衛生司所設之六七品醫官各一缺尚未擇有專門人員奏補外其餘額設之參事郎中員外郎主事七品小京官各缺均已補齊自應遵照吏部酌補序新章辦理以昭畫一茲經臣等悉心參酌按照酌序班次擬定郎中員外郎主事七品小京官補缺輪次表附列章程七條並經咨行吏部查核相符謹繕具清單恭呈 御覽如蒙 俞允即由臣部移咨吏部遵奉施行如有應須變通之處再當隨時奏請更正至內外兩廳額缺現已奏定並聲明專用法政畢業人員應如何補用由臣等隨時奏明辦理所有酌擬司員補缺輪次章程緣由謹恭摺具陳伏乞 皇上聖鑒訓示謹 奏宣統元年二月十三日奉 旨依議欽此

郎中員外郎補缺輪次表(計一輪一週) 酌題 序補(資深) 以實缺各員奏補之日較資升補一人) 酌題 內用及漢員實缺丁憂服滿舊例係題選統補者先儘擬補無庸擬定正陪不積酌題之缺除滿員外任丁憂回旗

勞績人員統行酌量才具擬定正陪 序補之缺除 特旨指定部分 特旨分部即用即補及實缺之服滿迴避病痊假滿開復奏留原衙門並奉 旨降補原部等項照例先儘補用不積序補之缺外輪用資深時先用

資深先一人不積缺接用資深正班一人如資深先無人即以資深正班序補輪用勞績時先用遇缺先前一無

人將遇缺即補遇缺題升題補人員統較奉 旨日期序補一人再無人將儘先題升題補及升用補用人員統較奉 旨日期序補一人如竟無此項人員應過班仍於第一序補班內較資升補一人 至 特旨分部行走 特旨以何官用呈請分部行走人員俟期滿奏留後遇序補之缺無論資深勞績補過二缺後再遇序補之

缺統較奉 旨日期先後插補一人不積資深勞績班次之缺其中有早經奏留者自應歸候補資深班內如資深到班在先即按資深序補如得有勞績保獎者遇勞績到班在先即按勞績序補不必拘定二缺後插用一人章程轉令向隅 裁缺人員遇序補之缺與本部人員相間輪用無論資深勞績到班先用本部一人再以實缺裁缺

人員按原奏補日期先後補用一人無人將裁改候補人員按資深勞績班次與本部人員各較各資各計奉 旨先後相間輪用遇酌題之缺如有熟悉部務才具出眾亦准酌量擬補

主事補缺輪次表(計一輪一週) 酌題 序補(資深 以實缺七品小京官奏補之日較資升補一人) 酌題 序補(資深 以候補人員奏留之日較資補用一人) 酌題 序補(勞績) 酌題之缺除漢員實缺丁憂服滿舊

例係題選統補者先儘擬補無庸擬定正陪不積酌題之缺外無論實缺候補資深勞績人員統行酌量才具擬定正陪 序補之缺除 特旨指定部分 特旨分部即用即補及 京察調部實缺之服滿迴避病痊假滿開

復奏留原衙門並奉 旨降補原部等項照例先儘補用不積序補之缺外輪用資深時先用資深先一人不積缺接用資深正班一人如資深先無人即以資深正班序補輪用勞績時先用遇缺先前一無

人將遇缺即補遇缺題升題補人員統較奉 旨日期序補一人再無人將儘先題升題補及升用補用人員統較奉 旨日期序補一人如竟無此項人員應過班仍於第一序補班內較資升補一人 至 特旨分部行走 特旨以何

官用呈請分部行走人員俟期滿奏留後遇序補之缺無論資深勞績補過二缺後再遇序補之缺統較奉 旨日期先後插補一人不積資深勞績班次之缺其中有早經奏留者自應歸候補資深班內如資深到班在先即按

日期先後插補一人不積資深勞績班次之缺其中有早經奏留者自應歸候補資深班內如資深到班在先即按

資深序補如得有勞績保獎者遇勞績到班在先即按勞績序補不必拘定二缺後插補一人章程轉令向隅 裁缺人員遇序補之缺與本部人員相間輪用無論資深勞績到班先用本部一人再以實缺裁缺人員按原奏補日期先後補用一人無人將裁改候補人員按資深勞績班次與本部人員各較各資各計奉 旨先後相間輪用遇酌題之缺如有熟悉部務才具出眾亦准酌量擬補

七品小京官補缺輪次表(計一輪一週) 酌題 序補(資深) 以考取分部補用學習小京官奏留後較資補用一人) 酌題 序補(資深) 以實缺八品錄事奏明以小京官用及調部奏留以小京官用者較資補用一人)

酌題 序補(勞績) 酌題之缺除實缺丁憂服滿舊例係題選統補者先儘擬補無庸擬定正陪不積酌題之缺外無論何項候補人員統行酌量才具擬定正陪 序補之缺除 特旨指定部分 特旨分部即用即補及

京察調部實缺之服滿迴避病痊假滿開復奏留原衙門並奉 旨降補原部等項照例先儘補用不積序補

之缺外輪用資深時即以資深班序補輪用勞績時先用遇缺先前一人無人將遇缺即補遇缺題升題補人員統較奉 旨日期序補一人再無人將儘先題升題補及升用補用人員統較奉 旨日期序補一人如竟無此

項人員應過班仍於第一序補班內較資補用一人 至 特旨分部行走 特旨以何官用呈請分部行走人員俟期滿奏留後遇序補之缺無論資深勞績補過二缺後再遇序補之缺統較奉 旨日期先後插補一人

不積資深勞績班次之缺其中有早經奏留者自應歸候補資深班內如資深到班在先即按資深序補如得有勞績保獎者遇勞績到班在先即按勞績序補不必拘定二缺後插用一人章程轉令向隅附列章程七條 一本部

擬定補缺輪次均援照吏部前奏定各部郎中員外郎主事補缺輪次表變通辦理 一本部所設額缺仍照現行章程不分滿漢以歸一律 一籤分調用各員奏留後以何官用統歸本班候補無庸分爲正途捐納以歸簡易

一參議廳參事係新設之缺前奏定官制章程位正五品如遇有缺出應比照郎中補缺輪次辦理仍歸一酌一序不積郎中缺內 一七品小京官一項從前各部向未設有專缺亦無補缺章程現比照主事補缺輪次酌量辦理

一本部奏調京外實缺候補人員均按原官品級改以對品相當官缺歸入候補班內按奏留日期較資補用其餘各員均照憲政編查館奏定新章辦理 一各項補缺輪次章程奏定後一律遵行嗣後如有更改變通之處應

隨時奏明辦理

升任東三省總督徐世昌署理吉林巡撫陳昭常奏設立禁煙公所實行禁種禁吸情形摺

奏爲吉省遵設禁煙公所並實行禁種禁吸情形恭摺仰祈 聖鑒事竊自有鴉片以來流毒遍於國境人民吸食靡然成風墮志戕身耗財辱國爲日既久爲患益深何幸比年民智羣知其害會逢 朝廷銳志圖強迭奉

明詔誥誡頻仍頒禁種禁吸之令爲強種強國之基屬在臣民同深欽感臣等身膺疆寄與有考成敢不奉行

惟謹以期早竟厥功伏查吉省地處偏隅交通不便洋土向不行銷民間之吸煙者類皆自種以故價值甚廉吸者愈重尤以旗民居其多數惡習相沿殊堪痛恨自上年改設行省迭准政務處民政部禁煙大臣先後咨送章程到吉當即轉行嚴禁在案復經調任撫臣朱家寶先於省城設立禁煙總局一所檄委試署民政司司使謝汝欽爲督理各府廳州縣均設分局按照部章切實籌辦先從官場入手遴委妥員按次清查無論曾否吸煙概令具結以憑查考其情形可疑巧爲掩飾各員但經舉發隨即送交該局查驗並由該司督同士紳另設禁煙公會一處廣購方藥多方勸戒以爲官局之助規模粗具大致已有可觀迨臣昭常到任以後復加體查以爲禁煙之要不外禁種禁吸二者禁種是在於民禁吸莫先於官欲祛其弊必清其源吉省既無洋土攙銷但使種者盡絕根株則吸者自歸淘汰官吏本爲士民表率但使羣僚咸知矯勸則民間自動觀摩要非雷厲風行不足以言效果用將禁煙總局遵照新章改爲禁煙公所慎選員司經理其事舉凡前此辦法之未善者無不改良以期必當官則密其考查尤須杜其隱匿除循例取具保結外加取聯名切結嚴申連坐之條民則定期期限亦必別其勸懲除違章給照遞減外復填煙戶門牌俾動下流之恥至軍學兩界品格既高更宜整飭則由該管長官認真偵察但有犯者卽予斥退不少姑容現在次第舉辦均已漸有頭緒而據各屬呈報其自本年正月爲始一律禁種者已有數處但能如此切實推行一年之後吉林全省當無更種鶯粟者矣臣等復思煙禁既有十年之限吸者一時尙難盡絕倘任民間自由購取仍屬漏卮漫無限制適准部咨有推廣牌照捐之議因更仿照川省辦法設立官膏專賣局一所責成民政度支兩司會同辦理凡經領照吸煙之人均令持照赴局購煙此外一概不准私相買賣不特寓禁於征並得藉資經費設有不足再由臣等籌款彌補造冊報部作正開銷此皆吉省現辦禁煙之實情也第因事屬創行所訂規章非經

試辦未敢遽定是以奏報稍遲後此如有未盡事宜臣等自當悉心研究逐漸措施務使煙害得早禁除於國於民胥臻幸福並以仰副 朝廷軫念民生咸與維新之至意除將各項詳細章程分咨禁煙大臣民政部度支部查照外所有吉省設立禁煙公所並實行禁種禁吸各緣由理合恭摺具陳伏乞 皇上聖鑒訓示謹 奏宣統元年二月二十七日奉 硃批該部知道欽此

公牘錄要

督憲楊據薊州呈覆風箴箕等處煤礦尚未開辦札飭礦政調查局查照文

商部奏定礦務章程業經職局刊刷通行遵辦在案所有三十四年新章實行以後各該州縣境內已經請勘請開各礦所出煤斤自應按照章程每噸交納出井稅銀一錢上月煤稅於下月十五日交納呈解以重款項乃自新章實行以後已將一年迄未據各該州廳縣將境內已開各礦應交煤稅遵章催收呈解殊與定章不符職局責有專歸未便任聽延緩除抄單札行各該地方官查明該管境內各礦自光緒三十四年正月起到月底止每日出有煤產若干一年共出礦產若干清查明晰核計應交稅銀若干催收報解外理合照錄清摺具文詳請憲台查核分別札催各該地方官遵照辦理尅日報解勿再宕延並乞批示祇遵實爲公便等情到本大臣據此除批示並分行外合行札催札到該州即便遵照迅將各款查明尅日報解毋稍延誤此札計抄摺一風箴箕郭家山及斗子峪南麻地溝口煤礦係商人吳寶鈺等稟辦等因蒙此遵即卷查卑州境內風箴箕郭家山及斗子峪南麻地溝口均有煤苗透露前經三河縣商人吳寶鈺等與該山主盧才等訂立合同繪具山圖呈蒙 農工商部札飭轉行到州令即確查稟覆等因當經卑前州何牧則賢親詣該處查明風箴箕郭家山斗子峪南麻地溝口等三處實有煤苗透露業將查明情形稟蒙 尹憲轉咨 農工商部查核嗣蒙礦政調查局札查亦經詳明尙未開採光緒三十三年七月初十日復蒙前憲台札查旋經卑前州周牧如鑄詳覆各在案此後該商人吳寶鈺延至於尙未到薊開辦是否另有事故無憑懸揣茲奉前因擬合具文申覆憲台查核等情到本大臣據此合行札飭札飭該局即便查照此札

學司詳武邑縣教育會成立議擬變通辦法文並批

爲詳覆事案奉 憲台批武邑縣教育會成立官紳開會研究情形及議擬變通辦法條呈示遵由蒙批稟摺均悉所擬變通辦法是否盡善仰提學司核飭遵照具覆繳等因奉此查前據該縣稟司業經批示所擬變通辦法六條未盡妥善應行酌改一村籌辦兩學民力誠有不給然戶口學生多之大村應不在限制內學堂改良不在名目而在課程而名目亦自有一定查 奏定章程凡一城一鎮一鄉一村如以公款設立或如以捐款設立者及數鎮數鄉數村聯合設立均名爲初等小學凡一人出資獨力設一小學堂者或家塾招集鄰近兒童附就課讀人數在三十人以外者及塾師設館招集兒童在館授業在三十人以外者名爲初等私小學此初等小學公立私立之別不得將自己設立私塾因改良概指爲公立學堂並截去初等字樣致失設學之性質三聯單早應遵照切實舉行常年假期應照部章年暑假不得逾七十日若爲因地制宜隨時變通起見可將年暑假期限縮短移於麥秋大秋時放假若干日合年暑假計仍不得逾七十日若年暑假既照部章復於麥秋大秋各放假三星期則一年之內合每星期計算放假始一百數十日曠廢太久於課程甚有妨碍亟宜酌改報查其餘均准照辦繳在案茲奉前因除核飭遵照外擬合備文覆請 憲台查核施行

督憲楊 批據詳已悉繳

吳橋縣呂令調元稟請酌收房地價錢串底以辦自治學社文並批

敬稟者卑職於去臘二十二日到任查問新政多付闕如雖限於財力不能同時并舉亦不能概置緩圖自應擇要舉辦但籌款甚難連日邀集城鄉紳董設法籌商求其不擾民而集鉅款者莫如抽收契價串底茲據四品銜候補府經歷張崇嶽四品封銜侯維鷄布政司理問楊之符五品銜高丕猷守禦所千總趙之申候選訓導張積永五品銜李維清四品封銜劉祖旆五品銜陳際鴻附生尙維清聯名稟稱竊縣屬置買房地向用九八每年徵收稅銀三千餘兩計價約在制錢十萬千左右以每年底子大錢二十文計之約得錢二千餘吊請隨稅徵收以辦新政於民無損於公有益請酌奪轉稟等語查現在新政迭興均宜次第開辦而尤要者自治研究所已迭奉 明諭定有時限應設統計處亦迭奉 憲札均須本年成立當此官民交困之時捐之於商則商病捐之於民則民窮一縣

之中富者不過三分之一大都者蓋勤儉所積本非易易而欲其慷慨輸捐亦人情之所難該紳等公同籌議所請於每千契價抽收串底大錢二十文之處在置產者多係富餘之家區區串底如太倉一粟何在乎此在公則積少成多藉可逐漸展布於新政前途大有裨益將來此項串底專備自治學社及統計處之用卑職已與劉紳祖旆等并馬訓導錫蓄熟商擬借款買備磚木等料在學署西偏隙地先蓋自治學社一所附設統計處一所一俟開工即行稟報理合稟請 大帥查核迅賜批示以便照辦

督憲楊 批據稟已悉該縣舉辦自治學社及統計處兩項經費難籌擬請酌收置買房地價錢串底以資公用是
否可行仰布政司核飭遵照具覆并飭將自治學社改為自治研究所以符定章暨移自治總局調查局查照繳
督憲批示錄要 ○運司詳通網商人晉有孚等稟覆請仍每年報効銀四萬兩公舉網總王賢賓等接辦津武口岸

由 批據詳已悉應准如所擬即令該網總王賢賓等認辦津武口岸每年暫交報効銀四萬兩一俟銷數暢旺
獲利較多仍應定以五萬兩以助公益日後只許多增不准請減既稱免定年限如一二年中辦理不善即由司
隨時詳請撤換仰即查照飭遵並飭取綱保結狀詳咨一面諭飭該商王賢賓等定期先行接收汛務以免廢弛
而保要案並將改歸商辦情形由司詳請咨部立案暨轉飭津武鹽局遵照此繳 ○甯津縣張現稟被災貧民困
苦請撥春撫散放由 批據稟已悉仰賑撫局核明詳辦并移藩司知照繳

藩台批示 ○奉省留學法政畢業生劉廷臣稟懇飭堂墊發回省川資 批查稟叙正月十九日奉天支應局覆電
法政學堂悉李葆光等十名東督准給川資銀每人二十兩已飭提學司照撥望先墊發等語是否屬實應否先
行墊發之處候咨會法政學堂核明見覆再行辦理此批 ○內閣中書梁志宸等稟永遵兩屬合立師範學堂酌
提牙用充費 批查該紳等所稟永遵兩屬設立師範學堂常年經費較鉅擬在田房牙用五分內酌提二分充
作學款下餘三分仍歸官牙收用是否可行候札行永平府遵化州就近查酌情形迅速妥議詳覆核奪此批

藩臬道會銜告示 ○爲出示曉諭事現蒙 欽差大臣辦理北洋通商事宜直隸總督部堂楊札飭恭照本年三
月十二日 大行皇帝梓宮奉移 西陵暫安 皇太后恭送 梓宮禮畢於十三日起鑾

乘坐火車行抵梁各莊行宮駐蹕十四日恭詣

各陵十五日恭迎

大行皇帝梓宮暫安禮成十六

日仍乘火車回鑾所需經費均發官款辦理與從前大差借資民力者截然不同倘各該州縣辦差家人及書役人等藉端影射敢向民間索取一錢一物者一經發覺定行從嚴懲辦並將失察之該管官撤參不貸等因到司蒙此除分飭通順各州縣嚴密查訪外合行出示曉諭爲此仰軍民人等一體知悉須知此次大差係由承辦州縣領款辦理絲毫不准攤派民間爾等毋爲所愚任其需索前項人等如有嚇詐情事准爾隨時告發必爲據實究辦但不得挾嫌妄控自取咎戾各宜凜遵毋違特示

直隸法政學堂牌示○爲牌示事照得津保第二次考試候補人員業經揭曉蒙藩憲咨送考取三等人員共三十九名入堂肄業查本堂戊班講習科已經上課多日所有此次送到考取三等人員務須從速來堂報到填寫志願履歷等書以便編入戊班講習科肄業並酌量人數攤分該員等津貼如逾閏二月十五日不來堂報到即不能再行攤給津貼除將三等人員姓名另單開示外合亟牌諭爲此仰第二次考取三等咨送入堂各員一體遵照切毋自悞此諭 本省候補人員第二次考列三等咨送入堂各員姓名單 趙熙文 王禮恭 李治慶 朱燮陽 張則朱 蔣用霖 王慶銜 徐壽桐 吳桂森 趙宗鼎 徐國弼 李汝霖 茹煥 陳廷揆 王蓋臣 崔鴻鈞 高嘉銘 謝仰清 陸再興 吳峻 謝仰瓊 陳文權 陳國峻 程恩墀 朱正樞 燕起韓 趙鴻勳 任兆傑 曹文治 李孔焯 陳國荃 李虎觀 張錫錦 曹之楨 高士燭 蘇大祀 丁駿頤 趙惟蔭 趙惟倫○又示爲牌示事照得先後取錄自費諸生其業經交齊一學期學費並保證金者定於閏二月初一日早十鐘以前齊來本堂行開學禮即於次日上課爲此示仰交齊學費及保證金諸生一體遵照此諭

電報錄要

路透電○德國仿照英國大戰艦薩溫塞布洛號式建造之戰艦瓦德蘭號載重一萬九千噸現在漢伯克舉行進水典禮英國歐布塞威報著論痛詆德國反覆并謂英國從速添造德瑞納提號式大戰艦八艘或於一千九百零十年以前與德國有事

又電○據駐塞非亞京訪員報告塞政府現聽從列強勸告擬於明日將軍備撤退

柏林電○傳聞俄外部大臣依烏洛斯克上書辭職之說實係子虛

又電○法京郵政電報工人同盟罷工之風潮甚烈他項工人均受影響現在商務工藝均行阻止

又電○土耳其國與埃及國提議建築鐵路由埃及至索理亞

又電○列強勸告塞政府致書奧國允從奧政府之意英國駐奧公使與奧政府商議了結辦法

又電○俄國現在調集兵隊於噶利堪邊界塞國軍界宣布擬請塞儲君充總司令官

新政紀聞

政治

釐訂捐資封典辦法○吏部近查八旗各直省捐賞給獎封典一項向由本部查驗捐照核准揭送內閣撰給

誥敕邇年捐封各員竟持實收空白赴部呈驗往返駁斥殊多窒礙若不釐訂辦法不足以昭慎重嗣後捐封

各員應持具空白執照赴度支部換照再赴吏部呈驗以重公務而昭簡易如未換照呈驗者一概駁斥云

奉省報到選舉人數○奉天全省初選區計四十五處現今調查完竣呈報總數者已有四十二處計選舉合格人數已有五萬零五百八十五名惟興京輯安懷仁三屬尙未報到

學務

小學研究會紀事○天津勸學所於二月三十日開小學教員分科研究會并改選各科代表人已紀前報茲聞是

日下午開會各堂堂長教員到者一百六十餘人互相討論決議多條并舉定各科代表直至五鐘閉會茲將代

表諸君姓名列下 修身 正盧秉銓(育) 副龐文蔚(過) 周桂芬(西) 讀經 正從翼清(育) 副鄧承鏞(太)

國文 正鄧承鏞(太) 副于曰敏(行) 算術 正馬駿元(榮) 副王大昕(城) 珠算 正李兆奎(營) 副寶

士鈐(慈) 鍾寶琳(藥) 張延齡(行) 歷史 正于曰敏(行) 副陳自中(慈) 地理 正龐文源(行) 副鄭士

麟(河) 格致 正張延齡(行) 副朱景曦(營) 圖畫 正王敬學(行) 副辛壽培(城) 顧寅昌(太) 手工

正寶士鈐(慈) 副張彤(隄) 習字 正顧寅昌(太) 副王敬學(行)

推行簡字之慎重○學部現因推行簡字爲今年憲政之籌備現已將其大綱組織妥協惟該部堂憲以此項簡字關係憲政一經推行即不能再行更易倘有窒碍反滋貽悞擬再行詳加核議審慮周詳方能奏請推行云
派員考驗升級學生○奉天南路模範兩等小學堂呈請將初等乙班學生升爲高等提學使批候派員考驗後再議茲聞學使特委普通科科員廖楚璜馳赴該堂考試一切學科如果程度合格即予升級教授云

軍政

通飭巡警保重槍枝○警兵負持槍枝原爲保衛地方捕匪禦侮兼以自衛宜如何保存珍重方不負用槍備槍之本意奉天巡警總局以近來各局隊損壞槍枝者時有所聞雖經賠修亦足見該警兵等平日對於槍枝之關係茫然無知特通飭各分局轉飭各長警以後加意保護如非因公情急損壞者照章賠修外尙惟該管長官是問委勸要塞形勢員回省○江督端午帥前因沿江砲臺建築形式未能合宜奏請扼重江陰改編長江要塞分爲永久建築與臨時建築兩種共編四隊以兩隊專治要塞工程一隊專治水雷一隊專治旱雷一俟編成即將各臺勇全裁其餘舊壘責令陸軍戍守並以事關重要特委候補道李觀察光鄴及督練公所委員鍾丙熙前赴鎮江江陰吳淞等處詳勘各要塞形勢繪具圖式呈候核辦茲該委員等已一律勸學於日前回省銷差
改良陸軍馬醫事務○江北陸軍十三協馬砲輜各營馬驟時有患病現由王聘帥查有前由陸軍部送到馬醫學士魯明善胡永年二名當即札委魯生辦理砲隊一營兼輜重營事務胡生辦理砲隊二營兼醫務股事務並飭切實妥議改良章程稟候核奪

財政

維持國法之法令○江督端午帥札淮運司文云據江蘇候補道曾紀壽丁憂知縣施焯稟奉憲台札准湖廣督憲陳蒸電鄂省銀錢低落商民交困當即飭員查覆稟稱武漢錢莊藉口以孫道廷林但營小利不顧大體誤用漢口仁太莊承辦裕甯官錢局時由江省裝運大批絡繹而來甫經出售拋盤賣空以至錢價有減無增市面受害請查究等情查各省銅元不得大宗販運出省致令他省有充斥之患經財政處戶部會奏奉旨依議欽遵在案查買空賣空例禁綦嚴該商故意減價出售由敝處示禁漢口錢商不准買賣拋盤如違究辦伏查近來錢

價低落各省相同武漢商會議請本省止鑄外省停運以杜奸民私鑄販運而錢價仍不能平據請憲台檄飭各關道局卡在於海口認真查辦令私錢不得暢銷以塞其源稟請核示等情到本部堂據此除批據稟已悉漢口錢商王大愷經理裕甯分局事務既據該道等確切查明從前運銷甯省銅元按照市面通例預先拋盤實兌在所不免並無賣空之事自屬可信况甯省銅元前准湖廣督憲來電已飭令暫不運往鄂省漢口分局祇專理准鹽收解匯兌各款及代兌總分各局錢洋鈔票事務較簡無庸再派專員督理以省浮費惟該分局既屬營業性質與市面各商即不免往來交易全在辦理妥實無礙江省官局名譽仰候札飭裕甯官銀錢總局嚴飭該商務須遵局定章暨漢鎮錢商大市貿易情形一律妥慎辦理不得稍有弊混至近來銅元充斥各省皆然實由於奸民與外洋私鑄私運源源不絕受害最深早經訪聞前已嚴飭查禁候再查照另稟分咨沿江各省暨通行本省各關局卡一體認真嚴查務令有私必獲從重究懲以正國法

會議維持錢業○湖南岳州府商業去歲因錢價驟跌各行折閱者居其多數錢業中除裕泰昌恒昌兩店獲利萬金外其餘亦無甚利益聞該業各店主於日前邀集同行至商局會議將擬設法維持以爲善後之計云

商務

派員驗收開埠工程○江督端午帥前以津浦南段鐵路既已開工則浦口之商務可日臻發達曾經奏請在該處開通商埠頭至於築馬路平石路及修江邊碼頭暨局所之處所有工程業已告竣現由承造委員稟請派員驗收以昭慎重而期核實午帥據報後特遴委江蘇候補道倪萊山觀察前往驗收所築馬路是否堅固所支款項有無冒濫云

商局遴選裁判員

○蘇省農工商局前以各屬商民每因錢債爭訟延宕糾纏致令破產傾家甚或牽動市面影響

商界爲害殊甚爰爲維持補救計擬添設裁判一科委員專管商界詞訟詳奉撫憲批准並飭遴選堪勝此任之員詳條札委該局慎擇人才一再籌畫現聞推舉候補知縣趙大令家璧爲該科科員詳請下札嗣後全省商民凡有關於商界之訴訟或向商會調處而不折服或不願向商會調處者均可赴局控訴聽候裁判員集訊其有刑名重大案件則仍由各商民赴有司衙門控告該局不能越俎管理云

第二十九條 各科學年考試分數既定酌取前列數名爲優待生由監督分別獎勵如左

一 免次年全年或半年學費膳費

一 受相當之獎賞品

第三十條 各科平定分數均按照學部所定各學堂考試章程辦理

第三十一條 各科畢業考試及格者一律授與畢業文憑所有中等科畢業生應比照中等實業學堂高等科畢業生應比照高等實業學堂獎勵章程辦理別科畢業生俟將來畢業時酌量情形分別奏請給予獎勵

第三十二條 每次考試除科學分數外另記品行分數由監督教務長齋務長教習監督學檢察等員隨時考察其分數併入人倫道德科分數計算

第三十三條 如曠課太久者應即就所曠之學科核扣考試分數其一學期或一年未請假未記過者分別加增分數

第三十四條 品學分數册各教員及監學員檢察員各置一本隨時稽察登記

第三十五條 監督教務長及齋務長應置功課總分數册品學總分數册將各教員及監學員檢察員所呈分數彙總記入

第三十六條 凡考試不准規避違者記過一次

第三十七條 考試時學生除自攜筆墨外堂中備有試卷草稿紙學生不得攜帶書籍講義違者記過一次

第三十八條 凡考試學生未經交卷不准出堂亦不准互相談話傳遞紙筆隨意走動違者記過一次

第六章 學費及膳費

第三十九條 各科學生每月繳學費兩元均三個月合繳一次一年分四期於二五八十一月初五日以前繳納

第四十條 各科學生務於前條所定期限內將學費繳納清楚倘逾期不繳積欠至二學期以上者由監督查明

應令退學

第四十一條 各科學生有願住本學堂宿舍者每人每月應繳膳費四元按第三十九條所定期限繳納倘有

積欠亦照第四十條辦理

第四十二條 其不住宿僅就本學堂午膳每人每月應繳膳費兩元繳納期限及追繳積欠與第三十九條第四十條一律辦理膳費每年以十一個月計算五月初旬只繳兩個月膳費

第四十三條 各科學生已繳學費膳費而中途因事退學者其餘款概不退還

第七章 入學及退學

第四十四條 各科學生入學之期每年一次於年假前定期招考錄取者一律於年假後入學肄業

第四十五條 各科學生於入學之前須覓取住居京師確實可靠之保證人出具保證書呈送本學堂後始准入學

第四十六條 前條保證人凡關於學生一切事務均有保證之責任如保證人遇有遷居外省或別項事故須另覓保證人

第四十七條 別科學生人數不滿足額時須於開學前考取程度相當者編入各班隨同肄業

第四十八條 各科學生如中途遇有疾病或其他不得已事故必須退學者須陳明實在情形俟監督許可後始得退學

第四十九條 各科學生有遇以下各事由監督核定令其退學

一品行不端

二荒廢學業

三不遵本學堂章程命令

四沾染嗜好

五學業不進無可造就者

六二學期以上不繳學費或膳費者

第五十條 本章程如有應行修改之時由監督會同教務長庶務長齋務長斟酌擬定由部核准施行




圖 二 第 景 湖 州 杭

此乃西朗堅的省茄士藥房司事固那昔加刺先生之令媛之相也先生來函云○小女溢那今年兩歲又半矣從前之身子遠遜今日也伊於九個月前偶感風寒遂患咳嗽日重一日氣窒不通久咳成癆形骸日瘦只存骨皮面無血色眼眶深入不思飲食日中所餐不及麻雀之多加以大便瀉瀉轉床慮連夜不寐百藥罔效羣醫束手手愈稱事在旦夕親友見之均亦謂然其母痛子情深日夜操勞心力俱瘁不免骨瘦如柴矣自染病以來經五閱月此五月中屢屢有人勸我以韋廉士大醫生紅色補丸治之予見此等丸藥均係有名無實且病已垂危斷非此丸可

名其其實



一切男女老少 先天不足 後天失宜 筋衰血弱 腳氣衝心 風濕骨痛 半身不遂 肝經不和 食積不化 血枯 頭痛 諸般瘡瘍等症 婦女經來腹痛者百發百中 男子操勞過度 酒色傷身 各處藥店均有發售或直向 韋廉士大醫生總藥局採買亦可 每樽價銀一元五角 每六樽價銀八大元 不論遠近一律不取郵費 上海二馬路B字第八號韋廉士大醫生藥局啓

平和戒煙醫局告白

順天府尹凌大人捐庫平銀二百兩
 晉省隱名氏集捐公儲平銀一千零八十八兩
 山東撫台袁捐洋四百元
 候補京堂張大人燧南捐洋二千元
 山東運台崔大人鍾善捐京足銀五百兩
 福建桌台鹿大人學良捐京松銀五百兩
 上海道台蔡乃焯捐京足銀二百兩
 陝西藩庫廳沈錫榮捐京足銀一百兩

分省知縣鄭寶麟捐京足銀四十三兩
 甘肅舉人趙椿年捐洋十元
 直隸道台葉增濤捐洋六十元
 張仲仁捐洋十四元
 丁春之捐洋十四元
 鍾鄉泉捐洋十元
 汪鶴齡捐洋八元
 張信初捐洋八元

北京王府井大街平和戒煙醫局鳴謝清單

北洋灤州官礦有限公司付息廣告

啟者查本公司定章每屆二月會議三月付息現時井工正在續辦股東會尚未成立茲先循章將各股東自交股日起截至光緒三十四年底止應得正股紅股官利一律照付本埠以三月初一日為始外埠以三月十六日為始屆時請各股東攜帶全賬息單此係第一期取息萬勿掣裁至原交股處支取息銀或此埠股東願改赴彼埠取息者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息單即無憑付息特此奉聞

付利處

天津 三岔河口玉皇閣本公司總理處北馬路天津銀號
 北京 保定 上海 漢口 唐山 張家口天津分銀號

同啟

常州儒醫

秦小和男婦大小方脉

門診大洋一元 出診兩元寓吉陞棧內

利文洋

大小皮包法國洋號又新到轉盤換調話匣八音盒價值格外從廉什宦官商光顧者請移玉紫竹林法租界本行面議可也

本行開設天津上海香港志呢華海參議等處均設有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指耳墜鐲子表墜大小八音盒並留聲話匣單雙桶下里眼磁蘭磨花穿衣鏡梳梳洋鏡

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器球蓋 奇巧美術玩器 日用雜貨俱全 學界文房用品 旋行携帶等件 精工裝身物料 定織各色簾氈 如蒙官商光顧 價值格外從廉 貨多不能備載 本行隨便入覽 電話一千三百七十四號 天津法租界 武齋洋行謹啟

瑞林祥元記 緞洋貨

本號開設（北京前門外鮮魚口）（天津估衣街中間路北）（山東濟南府院西路北）等處 自置綢緞洋貨顧繡粧蟒花素貢絨氈緞各色抖蓬哈啦厚呢以及京廣什貨織絨絨貨各色 俱全貨高價廉劃一不二中外 紳商賜顧移玉是幸 瑞林祥元記具

啓新洋灰有限公司廣告



啓者本公司係承唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋督憲袁咨准農工商部註冊立案上
 年購到外洋最新式機器全副去臘業已開機所出之灰據西商學師疊次
 考驗拉力結力俱高外洋之貨目機器加大出灰足數主顧購用尚有製造
 之紅磚花磚灰瓦水溝管子等項無論零交易均可本公司總廠均設
 設在天津海大道英租界先農公司對面並於北京烟台上海漢口等埠均設
 分處銷藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

啓新洋灰有限公司添招磚密股本廣告

啓者本公司第二屆會議提及上年議決在唐山東北二十餘里之馬家溝添設機器磚密現在即須開辦約計成
 本行本共洋三十萬元仍以五十元爲一股先儘原股東附入是日在會股東已各認定股數頗形踴躍如再有股
 東願入此股者請自二月十六日起兩個月內先將認定之股數函示註冊該股款於註冊後兩個月內全數交
 齊即以交款之日起息如欲詢詳細辦法請惠臨天津海大道本公司面談可也此布

啓新洋灰有限公司分派第二期年息紅利廣告

敬啓者本公司應派上年年息紅利定於閏二月初一日起憑息單發給並分派帳務務祈在股諸君屆期到天
 津海大道本公司總理處領取如南省股東亦可將息單交上海天津分銀號承接寄津代取不計匯費惟津滬往
 返函寄約需一月屆時望持該號收條領取息單可也

欲為諮議局議員者臨

總發行所 上海商務印書館
分設 京師 天津 太原 成都 漢口 福州 奉天 濟南 開封 重慶 長沙 廣州

今年九月各省開辦諮議局 議員責任甚重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書

法學通論 七元
法制經濟通論 四元
政法理財講義 每冊五角
日本法制要旨 一元
日本明治法制史 九角
政治講義 五角
法律經濟辭典 每冊七角
法規大全解字 四角

◎憲法書

政治學及比較憲法論 二元
憲法研究書 一元
憲政論 五角
日本憲法義解 三角
本預備立憲過去事實 五分
立憲國民讀本 三角
◎議會書 日本議會法規 四角
議會政

◎黨論

十六國議院典例 一元
日本議員必攜 八角
◎地方自治書 自治論 七角
歐洲大陸市政論 四角
地方自治財政論 三角
地方自治淺說 三角
此外政法書 之尤重要者

◎法律

日本法規大全 廿一元
日本六法全書 五角
比較國法學 七角
國法學 一元
行政法 一元
行政法各論 六角
民法原論 二元

◎政治

列國政要 十二册
政治學 一元
那特經政治學 四角
政治汎論 一元
行政法 一元
行政法各論 六角
民法原論 二元
社會通詮 一元
嚴復羣學肆言 一元
嚴復羣己權界論 八角
◎財政 有經濟通論 七角
理財新義 五分
英國

◎度支考

國債論 三角
計學教科書 一元
理財學講義 四角
計學淺訓 二角
◎教育 有日本明治學制沿革

◎史

歐美教育實際 二元
德國學校制度 四角
◎警察 有警察講義 錄 十五册
◎雖卷帙較繁 議員尚有餘力而兼治之則受益無窮矣
◎尚有諮議局章程箋釋 四角
諮議局章程要義 五分
諮議局調查須知 五分
諮議局選舉須知 一角
諮議局章程表解 九角
人人所必讀無待贅言也
(河北大胡同電話 五百二十六號)

天津商務印書館廣告

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

天津勸工陳列所廣告

謹將本所二月分所售入覽及參考票人數及代售貨品件數開列於左
計開 優待票共四十九位 入覽客票共三百七十五位 四次禮
拜五入覽女客票七十八位 代北京農工商部工藝局售出貨品一百
二十件 代北京工藝商局售出貨品九件 代北洋官紙廠售出貨品
十一件 代天津實習工場售出貨品七百四十九件 代天津造勝有
限公司售出貨品三百四十五件 代天津公益造勝公司售出貨品三
百九十二件 代天津鴻興汽水公司售出貨品一件 代天津同陸號
售出貨品三件 代天津王紫鵬售出貨品二件 代天津留芬有限公
司售出貨品四件 代天津吳協興售出貨品二件 代天津益豐成售
出貨品十二件 代揚州梁福盛售出貨品十八件 代福建林樹臣售
出貨品一件 代四川勸工總局售出貨品八件 以上統共售出貨品
計一千六百七十七件 天津勸工陳列所啓

綠色條胰出現廣告

本場為提倡高等成色條胰起見不計本利力求料實耐用洗濯異常滑
快經久絲毫不抽委與外洋白條胰相頡頏而價值格外低廉如蒙購用
即知此胰貨高價廉便宜合算 賜顧者請至北馬路售品總所或本場
售品處零售均可面議一為試用定當爭購此佈
天津河北實習工場謹白

大清銀行廣告

大清銀行現定三月初六日在京師虎坊橋湖廣會館照章開股東會議
屆期務祈 光臨並先於閏二月十五日起分派老股新股官餘利請附
股諸君持摺來行取息特此白